

## SOALAN LAZIM BAGI PERGERAKAN PELAJAR SEMASA PELANJUTAN PERINTAH KAWALAN PERGERAKAN 3.0

### A. PERGERAKAN PELAJAR

1. Soalan: **Adakah pelajar dibenarkan keluar kampus semasa tempoh PKP 3.0?**  
Jawapan: Semua pelajar **diminta kekal berada dalam kampus** sepanjang tempoh PKP3.0 kecuali bagi urusan penting dan kecemasan seperti kemalangan, kematian dan temujanji vaksin Covid-19 dengan doktor untuk mendapatkan rawatan susulan.
2. Soalan: **Adakah pelajar dibenarkan pulang ke rumah atau kampung semasa tempoh PKP 3.0?**  
Jawapan: **TIDAK DIBENARKAN.** Seperti mana arahan Kementerian Pengajian Tinggi (KPT) dan Majlis Keselamatan Negara (MKN), semua pelajar perlu kekal berada dalam kampus.  
  
*Pertimbangan khas hanya diberikan oleh Jabatan Timbalan Naib Canselor (Hal Ehwal Pelajar) bagi kes-kes kecemasan sahaja seperti keluarga sakit atau kematian ahli keluarga.*
3. Soalan: **Bolehkah pelajar yang telah berada dalam kampus pulang ke kediaman atau kampung yang berada dalam radius 10 km?**  
Jawapan: **TIDAK DIBENARKAN.** Semua pelajar perlu kekal berada dalam kampus.
4. Soalan: **Adakah ketua keluarga yang menginap dalam kampus dibenarkan keluar untuk membeli barang keperluan harian? Bilakah tempoh ketua keluarga dibenarkan untuk keluar daripada kampus?**  
Jawapan: **Ya.** Hanya ketua keluarga sahaja dibenarkan keluar.
5. Soalan: **Berapa lamakah tempoh masa bagi pelajar untuk keluar kampus?**  
Jawapan: Pelajar dibenarkan keluar untuk tempoh **tidak lebih 2 jam sahaja.**
6. Soalan: **Adakah pelajar yang sedang berada di rumah/ kampung dibenarkan kembali ke kampus semasa tempoh PKP 3.0?**  
Jawapan: **TIDAK DIBENARKAN.** Semua pelajar dalam kategori berkeperluan diminta kekal di lokaliti masing-masing.
7. Soalan: **Adakah kafeteria/ arked dalam kampus dibuka sepanjang tempoh PKP3.0?**  
Jawapan: **YA.** Kafeteria/ arked akan beroperasi dari **jam 8:00 pagi hingga 8:00 malam** mengikut garis panduan yang ditetapkan oleh pihak Universiti. **Makan di kafeteria (Dine in) adalah TIDAK DIBENARKAN** dan pelajar hanya boleh membuat **pesanan secara bawa pulang (Take away).**
8. Soalan: **Adakah One-Stop Parcel Centre (OPC) dibuka sepanjang tempoh PKP3.0?**  
Jawapan: **YA.** One-Stop Parcel Centre (OPC) akan beroperasi seperti biasa mengikut garis panduan yang ditetapkan.
9. Soalan: **Adakah pelajar wajib menggunakan aplikasi MySejahtera sepanjang berada di kampus?**  
Jawapan: **YA.** Semua pelajar perlu menggunakan aplikasi MySejahtera semasa berada dalam kampus untuk tujuan 'contact tracing' pihak KKM.  
  
*Selain itu, pelajar juga perlu mendaftar masuk (check in) setiap kali mengunjungi tempat atau lokasi yang dituju sepanjang berada dalam kampus UTM.*

10. Soalan: **Adakah pembekal perkhidmatan seperti pembekal Air Osmosis Balikan (RO Water), Dobi Layan Diri dan air gedegang (vending machine) dibenarkan masuk untuk mengisi stok (restock) atau membuat penyelenggaraan?**  
Jawapan: **YA.** Semua pembekal perkhidmatan dibenarkan masuk dan beroperasi seperti biasa mengikut garis panduan yang ditetapkan oleh pihak Universiti.
11. Soalan: **Adakah perkhidmatan penghantaran makanan (food delivery) atau penghantar barang keperluan (market delivery) dibenarkan masuk ke kampus?**  
Jawapan: **YA.** Waktu penghantaran adalah dari jam 8:00 pagi hingga 8:00 malam.
12. Soalan: **Bolehkah ibu bapa/ penjaga saya menghantar bekalan makanan atau barang keperluan ke kolej?**  
Jawapan: **TIDAK DIBENARKAN.** Ibu bapa/ penjaga boleh menghantar bekalan makanan atau barang keperluan pelajar menggunakan khidmat penghantaran makanan (food delivery) atau perkhidmatan kurier (courier service).
13. Soalan: **Adakah pelajar dibenarkan menjalankan aktiviti perbincangan kumpulan (group discussion) secara fizikal di dalam kampus?**  
Jawapan: **TIDAK DIBENARKAN.** Perbincangan kumpulan (group discussion) hanya dibenarkan dalam talian sahaja.
14. Soalan: **Adakah saya dibenarkan ke bilik/ kolej lain untuk berjumpa rakan sepanjang tempoh PKP 3.0?**  
Jawapan: Pergerakan dalam kampus adalah **DIBENARKAN**. Walau bagaimanapun, **semua aktiviti berkumpulan adalah TIDAK DIBENARKAN**. Pelajar dinasihatkan untuk mematuhi SOP dan peraturan yang ditetapkan.  
**Tindakan akan diambil sekiranya mendapati pelajar melanggar arahan/peraturan yang telah ditetapkan oleh pihak Universiti.**
15. Soalan: **Adakah pelajar dibenarkan mendapatkan rawatan di hospital atau klinik kerajaan luar/ klinik swasta?**  
Jawapan: **Ya.** Pelajar perlu **membuat permohonan melalui Pusat Kesihatan UTM (PKU)** bagi mendapatkan sokongan pegawai perubatan PKU sebelum dibenarkan mendapatkan rawatan di luar.
16. Soalan: **Adakah pelajar yang mempunyai temujanji vaksin Covid-19 dibenarkan keluar kampus?**  
Jawapan: **YA.** Kebenaran diberikan kepada pelajar yang mendapat notifikasi temujanji Vaksin Covid-19 **dalam daerah Johor Bahru sahaja**. Pihak Universiti akan menyediakan pengangkutan kepada pelajar ke pusat pengambilan vaksin.  
Soalan: **Bolehkah pelajar dibenarkan membuat permohonan secara harian masuk ke kampus?**  
Jawapan: **TIDAK DIBENARKAN.**

17. Soalan: **Adakah pelajar dibenarkan keluar untuk mengisi minyak kenderaan bagi tujuan pergerakan dalam kampus?**  
Jawapan: **YA. Sila rujuk FAQ No.5.**
18. Soalan: **Adakah pelajar dibenarkan menjalankan kerja penyelidikan akademik seperti kerja makmal/ studio?**  
Jawapan: **YA. Hanya pelajar pascasiswazah (PG) yang berada dalam kampus sahaja dengan kebenaran Penyelia/ Fakulti.**
19. Soalan: **Adakah pelajar dari luar kampus dibenarkan masuk untuk mengambil barang di kolej?**  
Jawapan: **TIDAK DIBENARKAN.**
20. Soalan: **Siapakah yang boleh dihubungi jika ada pertanyaan lanjut mengenai kemasukan dan pergerakan keluar/masuk kampus?**  
Jawapan: **Pelajar boleh menghubungi:-**  
  
**Talian HOTLINE HEP:**  
+6 011-186 87022 (kampus UTM JB)  
+6 017-242 4122/ +6 013-393 1117 (kampus UTM KL)  
  
**Emel Helpdesk JTNCHEP:**  
[helpdesk.hep@utm.my](mailto:helpdesk.hep@utm.my) atau [tphep@utm.my](mailto:tphep@utm.my);

## B. AKTIVITI LUAR DALAM KAWASAN KAMPUS

21. Soalan: **Adakah aktiviti pelajar termasuk kelab, persatuan dan ko-kurikulum dibenarkan sepanjang tempoh pelaksanaan *total lockdown* (MCO 3.0)?**

Jawapan: Semua aktiviti pelajar termasuk kelab, persatuan dan ko-kurikulum **secara bersemuka dan berkumpulan** adalah **TIDAK DIBENARKAN** sepanjang tempoh pelaksanaan *total lockdown*. Namun, pelaksanaan program/aktiviti kelab, persatuan dan ko-kurikulum secara dalam talian atau platform digital yang bersesuaian adalah digalakkan.

22. Soalan: **Adakah aktiviti sosial, keagamaan, sukan dan rekreasi dibenarkan sepanjang tempoh pelaksanaan *total lockdown*?**

Jawapan: Aktiviti sukan dan rekreasi yang dilakukan **secara individu di kawasan terbuka tanpa bersentuhan fizikal** dengan **mematuhi penjarakan fizikal sekurang-kurangnya 2 hingga 3 meter** tertakluk kepada arahan kawalan pergerakan yang sedang berkuatkuasa.

Tarikh Kemaskini:  
16 Jun 2021 | 12:15 pm

Task Force Pengerakan Pelajar  
Jabatan Timbalan Naib Canselor (Hal Ehwal Pelajar)